



Broj: 01/1-50-1-1-26/07
Sarajevo, 14.12.2007.godine

Z A P I S N I K

26. sjednice Ustavnopravne komisije

Sjednica je održana 14.12.2007. , s početkom u 09:30 sati.

Sjednici su prisustvovali članovi Komisije: Šefik Džaferović, Drago Kalabić, Martin Raguž, Lazar Prodanović, Velimir Jukić i Momčilo Novaković.

Članovi Komisije: Adem Huskić, Ekrem Ajanović, Halid Genjac opravdano su odsustvovali.

Osim članova Komisije, sjednici su prisustvovali predstavnici Visokog sudskog i tužilačkog vijeća i Amela Hasić iz Ministarstva za ljudska prava i izbjeglice BiH.

Sjednici su prisustvovali i Igor Bajić, sekretar Komisije i Nedžad Salman, stručni saradnik.

Predsjedavajući Komisije predložio je, a Komisija jednoglasno usvojila sljedeći

D N E V N I R E D

1. Verificiranje zapisnika sa 25. sjednice, održane dana, 04.12.2007. godine;
2. Prijedlog zakona o denacionalizaciji, predlagač Vijeće ministara BiH, **(Usaglašenost sa Ustavom BiH, pravnim sistemom i principima, članovi 103. i 104. Poslovnika doma);**
3. Prijedlog zakona o izmjenama Zakona o odlikovanjima BiH, predlagač Vijeće ministara BiH, **(Usaglašenost sa Ustavom BiH i principima, članovi 103. i 104. Poslovnika doma);**
4. Prijedlog zakona o izmjenama Zakona o učestvovanju pripadnika Oružanih snaga BiH, policijskih službenika, državnih službenika i ostalih uposlenika u operacijama podrške miru i drugim aktivnostima u inostranstvu, predlagač Vijeće ministara BiH, **(Usaglašenost sa Ustavom BiH i pravnim sistemom, član 103. Poslovnika doma);**
5. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje, predlagač poslanik Jerko Ivanković Lijanović, **(Usaglašenost sa Ustavom BiH i pravnim sistemom, član 103. Poslovnika doma);**
6. Ostala pitanja:
 - Zahtjev Visokog sudskog i tužilačkog vijeća Bosne i Hercegovine za autentičnim tumačenjem odredbe člana 15. Zakona o VSTV BiH, **(Razmatranje zahtjeva u skladu sa članom 137. stav (4), (5), (6) i (7) Poslovnika Doma);**
 - Zahtjev za autentičnim tumačenjem člana 3. stav (1) Zakona o zaštiti prava pripadnika nacionalnih manjina, ("Službeni glasnik BiH", broj: 12/03), a u vezi sa primjenom poglavlja 13A Izbornog zakona BiH, ("Službeni glasnik BiH", broj: 23/01), podnosilac zahtjeva Općina Derventa; **(Izveštaj o jasnoći pravne norme, u skladu sa članom 137. stav (4) Poslovnika Doma);**

- Zahtjev za autentičnim tumačenjem Zakona o zaštiti prava pripadnika nacionalnih manjina, ("Službeni glasnik BiH", broj: 12/03), podnosilac zahtjeva Općina Doboje. (Izveštaj o jasnoći pravne norme, u skladu sa članom 137. stav (4) Poslovnika Doma);

Ad. 1. Verificiranje zapisnika sa 25. sjednice, održane dana, 04.12.2007. godine;

S obzirom da nije bilo rasprave Komisija je jednoglasno usvojila Zapisnik sa 25. sjednice.

Ad. 2. Prijedlog zakona o denacionalizaciji, predlagač: Vijeće ministara BiH (usaglašenost sa Ustavom BiH, pravnim sistemom i principi, čl.103. i 104. Poslovnika Doma)

Predsjedavajući je konstatirao da predstavnici predlagača, i pored urednog poziva, ne prisustvuju sjednici te je jednoglasno prihvaćen prijedlog da se rasprava o ovom prijedlogu zakona odgodi za narednu sjednicu, te da se uputi poziv Predsjedavajućem Vijeća ministara i ponovo pozovu predstavnici predlagača uz upozorenje da će se, u skladu s odredbama Poslovnika Doma, smatrati da je predlagač odustao od Prijedloga zakona ako predstavnici predlagača ne budu prisustvovali ni narednoj sjednici.

Ad. 3. Prijedlog zakona o izmjenama Zakona o odlikovanjima BiH, predlagač Vijeće ministara BiH, (Usaglašenost sa Ustavom BiH i principi, članovi 103. i 104. Poslovnika doma);

S obzirom da nije bilo rasprave o predloženom zakonu, Komisija je jednoglasno odlučila :

- postoji valjan ustavnopravni osnov za donošenje Zakona;
- je Prijedlog zakona usklađen s Ustavom BiH i pravnim sistemom.

Komisija je, jednoglasno, podržala principe Zakona.

Ad. 4. Prijedlog zakona o izmjenama Zakona o učestvovanju pripadnika Oružanih snaga BiH, policijskih službenika, državnih službenika i ostalih uposlenika u operacijama podrške miru i drugim aktivnostima u inostranstvu, predlagač Vijeće ministara BiH, (Usaglašenost sa Ustavom BiH i pravnim sistemom, član 103. Poslovnika doma);

S obzirom da nije bilo rasprave o predloženom zakonu, Komisija je jednoglasno odlučila:

- postoji valjan ustavnopravni osnov za donošenje Zakona;
- Prijedlog zakona je usklađen s Ustavom BiH i pravnim sistemom.

Ad. 5. Prijedlog zakona o izmjenama i dopunama Zakona o izmirenju obaveza po osnovu računa stare devizne štednje, predlagač poslanik Jerko Ivanković Lijanović, (Usaglašenost sa Ustavom BiH i pravnim sistemom, član 103. Poslovnika doma);

S obzirom da nije bilo rasprave o predloženom zakonu, Komisija je jednoglasno odlučila :

- postoji valjan ustavnopravni osnov za donošenje Zakona;
- Prijedlog zakona je usklađen s Ustavom BiH i pravnim sistemom.

Ad. 6. Ostala pitanja:

- Zahtjev Visokog sudskog i tužilačkog vijeća Bosne i Hercegovine za autentičnim tumačenjem odredbe člana 15. Zakona o VSTV BiH, (Razmatranje zahtjeva u skladu sa članom 137. stav (4), (5), (6) i (7) Poslovnika Doma);

Predsjedavajući je otvorio raspravu o zahtjevu Visokog sudskog i tužilačkog vijeća BiH.

Predstavnica Ministarstva pravde BiH istakla je da Vijeće ministara BiH ostaje kod ranije dostavljenog mišljenja koje ukazuje na jasnoću pravne norme člana 15. stav (11) Zakona o Visokom sudskom i tužilačkom vijeću BiH. Smatra da se ovaj zahtjev ne odnosi na autentično tumačenje, ali da je očigledno da je prije Odluke visokog predstavnika o izmjenama Zakona o Visokom sudskom i tužilačkom vijeću BiH postojao problem u vezi s revizijom doniranih sredstava Vijeću, jer Ured za reviziju institucija ranije nije smatrao dovoljnim revizorske izvještaje nezavisnih revizora sačinjene na osnovu ugovora zaključenih sa stranim donatorima.

Predstavnica Ministarstva pravde je ukazala na potrebu davanja mišljenja u vezi sa članom 11. Zakona o reviziji institucija Bosne i Hercegovine kako bi se utvrdilo šta obuhvata nadležnost Ureda za reviziju institucija BiH i istakla kako se Ministarstvo pravde ne može upuštati u tumačenje Zakona o reviziji institucija Bosne i Hercegovine jer je ta materija u nadležnosti Ministarstva finansija.

Na kraju rasprave predsjedavajući je predložio da se Kolegiju Predstavničkog doma uputi dopis kojim se obavještava o preduzetim aktivnostima u vezi sa ovim zahtjevom za autentično tumačenje i kojim se traži i mišljenje Ministarstva finansija po ovom pitanju.

Komisija je jednoglasno prihvatila navedeni prijedlog.

- **Zahtjev za autentičnim tumačenjem člana 3.stav (1) Zakona o zaštiti prava pripadnika nacionalnih manjina („Službeni glasnik BiH”, broj: 12/03), a u vezi sa primjenom poglavlja 13A Izbornog zakona BiH, („Službeni glasnik BiH”, broj: 23/01), podnosilac zahtjeva Općina Derвента; (Izvještaj o jasnoći pravne norme, u skladu sa članom 137.stav (4) Poslovnika Doma);**
- **Zahtjev za autentičnim tumačenjem Zakona o zaštiti prava pripadnika nacionalnih manjina, („Službeni glasnik BiH”, broj: 12/03), podnosilac zahtjeva Općina Doboj. (Izvještaj o jasnoći pravne norme, u skladu sa članom 137. stav (4) Poslovnika Doma);**

Predsjedavajući je otvorio raspravu o zahtjevu Općine Derвента i Općine Doboj u kojoj su učestvovali Amela Hasić, predstavnica Ministarstva za ljudska prava i izbjeglice i član komisije Drago Kalabić.

Predstavnica Ministarstva za ljudska prava i izbjeglice je potvrdila stav Vijeća ministara BiH u vezi sa zahtjevima Općine Derвента i Općine Doboj te istakla da je Vijeće ministara BiH u svom mišljenju, broj: 08-02-3585-1786/07 od 10. 12. 2007. godine, ukazalo da je u članu 3. Zakona o zaštiti prava pripadnika nacionalnih manjina nedvosmisleno definisano šta je nacionalna manjina i koje su nacionalne manjine u BiH kojima je ovim zakonom garantirana zaštita i ravnopravnost. Zakonom su propisani objektivni kriteriji koji su relevantni za određivanje pripadnosti manjinskim nacionalnim zajednicama te zaštita od majoriziranja. Zakon o zaštiti prava pripadnika nacionalnih manjina „Jugoslovene“ i „Muslimane“, ne smatra pripadnicima nacionalnih manjina.

Predsjedavajući je predložio da se u vezi sa ovim pitanjem uputi dopis Kolegiju doma kojim se

- obavještava Kolegij o preduzetim aktivnostima Komisije;
- da iz mišljenja Ministarstva nedvosmisleno prizilazi da je norma jasna i da ga Komisija u cjelosti prihvata;
- da Kolegij preduzme dalje aktivnosti iz svoje nadležnosti.

Kako nije bilo drugih pitanja, predsjedavajući Komisije je zaključio sjednicu u 11:00 sati.

SEKRETAR KOMISIJE
Igor Bajić

PREDSJEDAVALAČI KOMISIJE
Šefik Džaferović